



SLUŽBA ZA BORAČKA PITANJA

WAR VETERAN'S DEPARTMENT

Broj:09-37- 2947/21-4
Ilidža, 20.09.2021. godine

*material za
6. redovnu
sjednicu*

17325/21
20-09-2021

OPĆINSKI NAČELNIK

[Signature]



PREDMET: Dostava Informacije o provođenju Zakona
o dopunskim pravima boraca-branitelja BiH Kantona Sarajevo
za period 01.01.-30.06.2021.godine, radi saglasnosti za razmatranje
na sjednici Općinskog vijeća,-

Poštovani,

U prilogu ovog akta dostavljamo Vam usaglašen sa Stručnom službom za usklađenost, integritet i kontrolu kvaliteta, tekst Informacije o provođenju Zakona o dopunskim pravima boraca-branitelja BiH Kantona Sarajevo za period 01.01.-30.06.2021.godine, radi davanja saglasnosti za razmatranje na sjednici Općinskog vijeća.

S poštovanjem!

Izradio: Mersiha Helać
Kontrolisala: Pomoćnik Općinskog načelnika
Azra Stambolić, dipl.ecc.

PRILOG:
1x Informacija

PO OVLASTENJU OPĆINSKOG NAČELNIKA
POMOĆNIK OPĆINSKOG NAČELNIKA
Azra Stambolić, dipl.ecc.

DOSTAVLJENO:
1x Naslov,
1x Evidencija,
1x a/a



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK

SLUŽBA ZA BORAČKA PITANJA



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYOR

WAR VETERAN'S DEPARTMENT

INFORMACIJA

***O PROVOĐENJU ZAKONA O DOPUNSKIM PRAVIMA BORACA-BRANITELJA BIH KANTONA
SARAJEVO ZA PERIOD OD 01.01.-30.06.2021.GODINE***

***PREDLAGAČ:
OPĆINSKI NAČELNIK
Nermin Muzur, magistar uprave***

***NOSILAC IZRADE:
SLUŽBA ZA BORAČKA PITANJA***

Ilidža, avgust 2021 godine

INFORMACIJA

O PROVOĐENJU ZAKONA O DOPUNSKIM PRAVIMA BORACA-BRANITELJA BIH KANTONA SARAJEVO ZA PERIOD OD 01.01.-30.06.2021.GODINE

1. UVODNI DIO

Izrada Informacije o provođenju Zakona o dopunskim pravima boraca-branitelja BiH Kantona Sarajevo za period od 01.01.-30.06.2021.godine predviđena je Programom rada Općinskog vijeća za 2021.godinu usvojenog na 1.redovnoj sjednici održane dana 18.02.2021.godine (veza br:01-02-75/21-12).

2. ANALITIČKI DIO

Zakon o dopunskim pravima boraca-branitelja BiH (Novi prečišćeni tekst) objavljen je u „Službenim novinama Kantona Sarajevo“ broj 18 od 06.05.2021.godine (u daljem tekstu Zakon).

Zakon je poslije prvog objavljenog prečišćenog teksta u „Službenim novinama Kantona Sarajevo“ br:45/12 pretrpio niz izmjena i dopuna objavljenih u „Službenim novinama Kantona Sarajevo“ br:26/14, 46/17, 18/19, 20/20, 24/20-ispravka i 10/21.

U primjeni su i podzakonski akti: Uredbe, Pravilnici, Odluke i Instrukcije, a sve u cilju propisivanja, uređivanja i utvrđivanja jedinstvenih kriterija, pravila, uslova, načina rada, formiranje i vođenje evidencija u postupku ostvarivanja prava, korištenja i prestanak prava, sredstva za finansiranje prava kao i druga pitanja od značaja za ostvarivanje prava članova porodica šehida, članova porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, branioca, demobiliziranih branioca, dobrovoljaca, organizatora otpora, veterana i ratnih vojnih zarobljenika, kao i lica zaslužnih u odbrambeno-oslobodilačkom ratu sa područja Kantona Sarajevo, kao i mirnodopskih vojnih invalida.

Navedena lica, prava po ovom Zakonu, ostvaruju kao dopunska uz prava koja su za branioce i članove njihovih porodica utvrđena Zakonom o pravima branilaca i članova njihovih porodica („Službene novine Federacije BiH“, broj:33/04, 56/05-ispravka, 70/07, 9/10 i 90/17) (u daljem tekstu: federalni zakon), Zakon o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj:70/05, 61/06, 9/10 i 90/17), Zakonom o pravima demobiliziranih branilaca i članova njihovih porodica („Službene novine Federacije BiH“, broj:54/19), Odlukom o posebnim pravima nositelja „Partizanske spomenice 1941.“ i članova njihovih porodica („Službene novine Federacije BiH“, broj:6/06), Zakonom o osnovnim pravima vojnih invalida i porodica palih boraca („Službeni list Republike BiH“, broj:2/92, 6/94 i 13/94) i Zakonom o zaštiti boraca narodnooslobodilačkog rata („Službeni list SRBiH“, broj:35/90), a u skladu sa raspoloživim budžetskim sredstvima Kantona Sarajevo.



Zakonom su prema načinu i obimu propisana sljedeća prava:

1. Zdravstvena zaštita;
2. Banjsko i klimatsko liječenje (medicinska rehabilitacija);
3. Naknada putnih troškova i troškova za liječenje u inostranstvu;
4. Pravo po osnovu preostale radne sposobnosti;
5. Prioritet u zapošljavanju;
6. Subvencioniranje kamata kredita za otvaranje radnih mjesta;
7. Prvenstvo upisa u obrazovne ustanove i besplatno školovanje;
8. Stipendiranje;
9. Uklanjanje arhitektonsko-urbanističkih barijera za ulazak i korištenje stana u invalidskim kolicima;
10. Oslobođanje obaveze plaćanja naknade za pogodnost;
11. Oslobođanje obaveze plaćanja naknade za dodijeljeno gradsko građevinsko zemljište i naknade za uređenje građevinskog zemljišta;
12. Pravo na izgradnju stana;
13. Subvencioniranje kamata kredita za rješavanje stambenog pitanja i dodjela sredstava za rješavanje stambenih potreba;
14. Dodjela sredstava za održivi povratak;
15. Pravo na stan u vlasništvu ili dodjelu stana na korištenje;
16. Besplatna i povlaštena vožnja;
17. Naknada troškova dženaze-sahrane;
18. Podizanje nišana-nadgrobnog spomenika;
19. Pravo na mjesečna novčana primanja;
20. Prednost pri zakupu i otkupu poslovnog prostora pod jednakim uvjetima;
21. Pravo na besplatne obavezne udžbenike za redovno školovanje, školski pribor i užinu;
22. Prednost pri smještaju u đačke i studentske domove;
23. Prednost pri korištenju programa nadležnih zavoda za zapošljavanje;
24. Prioritetno pravo za rješavanje stambenog pitanja pod jednakim uslovima;
25. Pravo na besplatni priključak na infrastrukturne mreže (voda, električna energija, gas);
26. Pravo na dodjelu jednokratne novčane pomoći;
27. Pravo dobitnika ratnih prizanja ili odlikovanja na obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti;
28. Pravo na obezbjeđenje ogrijeva;
29. Novčana egzistencijalna naknada;
30. Personalna asistencija za ratne vojne invalide-paraplegičare i ratne vojne invalide 100% I grupe kojima je priznato pravo na dodatak za njegu i pomoć od drugog lica.

Za poslove upravnog rješavanja za priznavanje prava pod rednim brojem 1., 4., 9., 10., 11. (veza član 31.tačka 1. i 3. Zakona), 16., 17., 19., 29. i 30. rješenje donosi Općinski načelnik i ista podliježu nadzoru koji obavlja Ministarstvo za boračka pitanja Kantona Sarajevo.



Zdravstvena zaštita (tačka 1.)

Članovima 6., 7. i 8. Zakona, predmetna lica, ukoliko ne mogu ostvariti status osiguranog lica po propisima iz oblasti zdravstva, ostvaruju to pravo po ovom Zakonu.

Prošireni obim prava na zdravstvenu zaštitu za ratne vojne invalide propisan je Odlukom o proširenom obimu prava na korištenje ortopedskih pomagala, lijekova i medicinsko-sanitetskih sprava i materijale za ratne vojne invalide sa područja Kantona Sarajevo („Službene novine Kantona Sarajevo“, broj:13/04, 11/06 i 38/18).

Ratni vojni invalidi, članovi šehidske porodice- porodice poginulog branitelja i umrlog ratnog vojnog invalida kao i članovi uže porodice ratnog vojnog invalida oslobađaju se od obaveze ličnog učešća osiguranih lica u troškovima korištenja zdravstvene zaštite i snošenje troškova liječenja na teritoriji Kantona Sarajevo.

| ZDRAVSTVENA ZAŠTITA: PERIOD 01.01.-30.06.2021. | | | | BROJ NOSILACA NA DAN 30.06.2021. |
|--|----------|-------------------------|--------------------|--|
| PODNESENO ZAHTJEVA | ODBIJENO | POZIT.RJ/ BR.NOSIOCA | PRESTANAK PRAVA | |
| 11 | 0 | 11 / 11 | 42 | 443 |

Općinske službe za boračka pitanja provode sve procedure, donose rješenja, vrše prijavu i odjavu korisnika i vode evidenciju korisnika.

Kantonalom Odlukom o utvrđivanju osnovica, stopa i načina obračunavanja doprinosa za obavezno zdravstveno osiguranje na području Kantona Sarajevo („Službene novine Kantona Sarajevo“ broj:29/09) precizirano je da obračun i uplatu doprinosa vrši organ uprave kantona nadležan za boračku zaštitu za lica sa prebivalištem na području Kantona Sarajevo u iznosu od 10,00 KM po prijavljenom licu koje nije osigurano na drugi način.

Prava po osnovu preostale radne sposobnosti (tačka 4.)

Nezaposleni ratni vojni invalid, na osnovu preostale radne sposobnosti ima pravo na profesionalnu rehabilitaciju, uključujući i školovanje za obavljanje poslova za koje se traži viša stručna sprema od one koju vojni invalid ima, ako prema općem obrazovanju, godinama života, zdravstvenom stanju i drugim okolnostima ima uvjete za uspješnu rehabilitaciju.

Pravo na profesionalnu rehabilitaciju po zahtjevu ratnog vojnog invalida utvrđuje se na osnovu nalaza, ocjene i mišljenja komisije stručne ustanove za ocjenjivanje radne sposobnosti, u skladu sa propisima iz oblasti penzijsko-invalidskog osiguranja.

U pogledu dopunskih prava koja se odnose na profesionalnu rehabilitaciju, na ratne vojne invalide i mirnodopske vojne invalide primjenjuju se odredbe Zakona o profesionalnoj rehabilitaciji, osposobljavanju i zapošljavanju lica sa invaliditetom Federacije Bosne i Hercegovine („Službene novine Federacije BiH“, broj:9/10).

Lica koja steknu pravo na profesionalnu rehabilitaciju, Ministarstvo za boračka pitanja na prijedlog općinske službe upućuje, a kantonalni organi uprave i kantonalne upravne organizacije, Grad Sarajevo i općine sa područja Kantona Sarajevo, kao i sva pravna lica čiji je osnovač kanton, Grad ili općina dužni su primiti na profesionalnu rehabilitaciju ratnog vojnog invalida.

U posmatranom periodu nije bilo zahtjeva za ostvarivanje prava po osnovu preostale radne sposobnosti.



Uklanjanje arhitektonsko-urbanističkih barijera za ulazak i korištenje stana u invalidskim kolicima (tačka 9.)

Ratni vojni invalid I grupe koji nije sposoban za kretanje bez invalidskih kolica, ima pravo za uklanjanje arhitektonsko-urbanističkih barijera za prilaz i ulazak u stambenu zgradu u kojoj stanuje, kao i za korištenje stana, jednokratno i to samo ako se radi o stambenoj jedinici sa riješenim svim imovinsko-pravnim odnosima.

U posmatranom periodu nije bilo zahtjeva za ostvarivanje prava na uklanjanje arhitektonsko-urbanističkih barijera za ulazak i korištenje stana u invalidskim kolicima.

Oslobađanje obaveza plaćanja naknade za pogodnost (tačka 10.) i Oslobađanje obaveza plaćanja naknade za dodijeljeno gradsko građevinsko zemljište i naknade za uređenje građevinskog zemljišta (tačka 11.)

Prema odobrenim budžetskim sredstvima i hronologiji podnijetih zahtjeva predmetna lica izuzev mirnodopskih vojnih invalida oslobađaju se dijela troškova nastalih obaveza plaćanja naknade za pogodnosti za izgradnju porodične stambene zgrade za vlastite potrebe netto građevinske površine do 200 m² kada prvi put rješavaju svoje stambeno pitanje pod uvjetom da snose eventualne troškove rješavanja imovinsko-pravnih odnosa koji nisu izmireni i o svom trošku izvrše opremanje građevinskog zemljišta prema uvjetima iz građevne dozvole pod nadzorom nadležne općinske službe za upravu kao i za dogradnju, nadziđivanje, preuređenje krovišta i potkrovlja, pretvaranje zajedničkih prostorija i rekonstrukciju kojom se povećava dotadašnja površina do 100 m² netto građevinske površine i za izgradnju poslovnog prostora netto građevinske površine do 100 m².

Ministarstvo za boračka pitanja Kantona Sarajevo snosi troškove plaćanja naknade za dodijeljeno gradsko građevinsko zemljište na kojem pravo raspolaganja ima Kanton, Grad Sarajevo i Općine te građevinsko zemljište kupljeno na slobodnom tržištu od fizičkih ili pravnih lica u svrhu izgradnje individualnog stambenog objekta za vlastite potrebe površine do 400 m² pod uvjetima u skladu sa Zakonom.

Ovo pravo se ne odnosi na izgrađene objekte koji su u postupku legalizacije.

Vlada Kantona posebnim aktom uređuje kriterije za prvenstvo korištenja ovog prava, način realizacije, postupak i uvjete pod kojima se sredstva za kupovinu građevinskog zemljišta za izgradnju individualnih stambenih objekata odobravaju, kao i ostala pitanja od značaja za ostvarivanje ovog prava.

| OSLOBAĐ. OD PLAĆANJA NAK. POGODNOSTI-RENTE PERIOD:01.01.-30.06.2021. | | | |
|--|--------------------------|---|-----|
| PODNESENI ZAHTEJEVI | RIJEŠENI ZAHTEJEVI | UPLAĆENA SREDSTVA OPĆINI ILIDŽA U KM ZA BROJ KORISNIKA | |
| 23 | 27 + 1 (ustup.Trnovo) | 235.617,51 | 227 |

Na zahtjev stranke o ostvarivanju prava u prvom stepenu rješava općinska služba za boračka pitanja prema mjestu prebivališta odnosno boravišta podnosioca zahtjeva, a uplatu vrši Ministarstvo općini na čijoj teritoriji se nalazi građevina. U posmatranom periodu poništeno je jedno rješenje za rentu a po osnovu poništenja rješenja o urbanističkos saglasnosti i uložena je 1 žalba koja je u toku rejšavanja.



Besplatna i povlaštena vožnja (tačka 16.)

Ratni vojni invalidi i članovi porodice šehida i porodice poginulog, umrlog i nestalog branioca, dobitnici ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja imaju pravo na besplatnu vožnju u javnom gradskom saobraćaju na području Kantona, ako to pravo ne mogu ostvariti po drugom osnovu.

Pored ratnog vojnog invalida koji je korisnik prava na dodatak za njegu i pomoć od strane drugog lica, pravo na besplatnu vožnju ima i lice koje mu tu njegu i pomoć pruža.

Navedena lica imaju pravo na besplatnu vožnju do banjškog i klimatskog lječilišta kada je tamo upućen od strane Ministarstva.

Pravo na povlaštenu vožnju u javnom gradskom saobraćaju na području Kantona imaju branici, ako ovo pravo ne mogu ostvariti po drugom osnovu.

Općinska služba dostavlja spisak korisnika ovog prava javnom prevozniku koji obavlja javni linijski prevoz putnika u Kantonu, po izboru korisnika, na osnovu kojeg se izdaju odgovarajući kuponi a sve u skladu sa propisanim načinom, uvjetima i kriterijima za ostvarivanje ovog prava od strane Ministarstva i raspoloživim budžetskim sredstvima.

| POVLAŠTENA VOŽNJA ZA PERIOD 01.01.-30.06.2021. | | | | |
|--|-------------------|-------------------|--------------------------------|-----------------------------------|
| PODNESENO ZAHTJEVA | ODBIJENO ZAHTJEVA | ODOBRENO ZAHTJEVA | PRESTANAK PRAVA PO SL.DUŽNOSTI | BROJ KORISNIKA NA DAN 30.06.2021. |
| 0 | 0 | 0 | 44 | 206 |

Naknada troškova dženaze-sahrane (tačka 17.)

Članovi porodice odnosno lice koje je snosilo trškove sahrane-dženaze, predmetnih lica iz Zakona, ima pravo na naknadu troškova dženaze-sahrane u visini od tri prosječne neto plaće zaposlenih u Federaciji BiH iz prethodne godine, te u opravdanim slučajevima i stvarne troškove prijevoza u druga područja Bosne i Hercegovine.

Izuzetno, ovo pravo mogu ostvariti i lica koja snose troškove dženaze-sahrane za djecu šehida, poginulih, umrlih i nestalih branilaca bez obzira da li ostvaruju pravo na porodičnu invalidninu u skladu sa federalnim zakonom.

Zahtjev za ostvarivanje ovog prava može se pokrenuti najdalje u roku od jedne godine od dana smrti lica.

| TROŠKOVI DŽENAZE-SAHRANE ZA PERIOD 01.01.-30.06.2021. | | | | |
|---|-------------------|-------------------|----------------------|----------------|
| PODNESENO ZAHTJEVA | ODBIJENO ZAHTJEVA | ODOBRENO ZAHTJEVA | BROJ ISPL. KORISNIKA | ISPLAĆENO U KM |
| 195 | 2 | 193 | 216 | 611.408,10 |



Pravo na mjesečna novčana piramanja (tačka 19.)

Dobitnici ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja i ratni vojni invalidi kojima je priznato pravo na dodatak za njegu i pomoć od drugog lica, čije je prebivalište odnosno boravište na području Kantona Sarajevo bilo najmanje 10 godina neprekidno do dana podnošenja zahtjeva za ostvarivanje prava imaju pravo na mjesečna novčana primanja u skladu sa Zakonom.

Pravo imaju i nosilac „Partizanske spomenice 1941.“ pod uvjetom da je u periodu agresije 1992.-1995.godine imao neprekidno boravište-prebivalište na području Kantona Sarajevo.

Pravo na mjesečna novčana primanja imaju djeca šehida-poginulog borca-branitelja bez oba roditelja za vrijeme nezaposlenosti do zasnivanja radnog odnosa, a najduže do dvije godine nakon završetka redovnog školovanja.

Pravo na mjesečna novčana primanja imaju djeca ratnih vojnih invalida sa utvrđenim invaliditetom od 20% do 80% - dječiji dodatak bez obzira na imovinski cenzus i ukoliko ovo pravo ne ostvaruju po propisima o zaštiti porodice sa djecom, do završetka redovnog školovanja a najkasnije do navršenih 27 godina života.

| MJESEČNA NOVČANA PRIMANJA ZA PERIOD 01.01.-30.06.2021. | | | |
|--|---------------------|----------------|----------------|
| PODNESENO ZAHTJEVA | PRESTANAK I IZMJENA | BROJ KORISNIKA | ISPLAĆENO U KM |
| 1 | 2+1 | 107 | 74.100,00 |

| DJEČIJI DODATAK ZA PERIOD 01.01.-30.06.2021. | | | |
|--|---------------------|-----------|----------------|
| PODNESENO ZAHTJEVA | PRESTANAK I IZMJENA | KORISNIKA | ISPLAĆENO U KM |
| 2 | 4 + 0 | 301 | 125.294,40 |

| OSNOVNO OBEZBJEĐENJE ZA PERIOD 01.01.-30.06.2021. | | |
|---|---------------------|----------------|
| BROJ KORISNIKA | MJESEČNI IZNOS U KM | ISPLAĆENO U KM |
| 1 | 147,80 | 886,80 |



Novčana egzistencijalna naknada (tačka 29.)

Pravo na novčanu egzistencijalnu naknadu može ostvariti demobilizirani branilac do navršavanja 57 godina života pod uvjetom da je bio pripadnik Oružanih snaga najmanje godinu dana, da je prijavljen kao nezaposleno lice kod nadležne službe za zapošljavanje najmanje godinu dana prije podnošenja zahtjeva za ostvarivanje prava, ukoliko ima prebivalište/ boravište na području Kantona Sarajevo i ako ostvaruje mjesečne prihode u iznosu manjem od 50% minimalne penzije isplaćene u Federaciji za mjesec decembar 2018.godine.

Visina iznosa mjesečne novčane egzistencijalne naknade utvrđuje se u iznosu od 5 KM po mjesecu provedenom u Oružanim snagama.

Pravo na novčanu egzistencijalnu naknadu ne može se prenijeti na drugo lice.

Ukoliko se licu isplati novčano primanje na koju nije imalo pravo, dužno je vratiti primljeni iznos.

| NOVČANA EGZISTENCIJALNA NAKNADA ZA PERIOD 01.01.-30.06.2021. | | | | | |
|--|-----------------|--------------------|--------------------|----------------|-------------|
| PODNESENO ZAHTJEVA | PRESTANAK PRAVA | NEGATIVNO RIJEŠENO | POZITIVNO RIJEŠENO | BROJ KORISNIKA | UKUPNO U KM |
| 78 | 42 | 2 | 76 | 527 | 694.865,00 |

Personalna asistencija za ratne vojne invalide-paraplegičare i ratne vojne invalide 100% I grupe kojima je priznato pravo na dodatak za njegu i pomoć od drugog lica (tačka 30.)

Ratni vojni invalidi-paraplegičari i ratni vojni invalidi 100% I grupe kojima je priznato pravo na dodatak za njegu i pomoć od drugog lica, ostvaruju pravo na mjesečna novčana primanja za personalnu asistenciju u cilju njihovog uključivanja u normalne životne aktivnosti i vraćanje narušenog dostojanstva, pod uslovom da su prebivalište odnosno boravište na području Kantona Sarajevo imali najmanje 10 godina neprekidno od dana podnošenja zahtjeva za ostvarivanje prava.

Osnovica za utvrđivanje iznosa mjesečnog novčanog primanja je prosječna neto plaća ostvarena u Kantonu Sarajevo u prethodnoj kalendarskoj godini, a za ratne vojne invalide:

I grupe sa I stepenom tuđe njege iznosi 40% od osnovice,

I grupe sa II stepenom tuđe njege iznosi 28% od osnovice, zaokruženo na cijeli broj.

Ove iznose za svaku budžetsku godinu utvrđuje ministar za boračka pitanja svojom odlukom.

Pravo na mjesečna novčana primanja (tačka 19.) prestaje ratnim vojnim invalidima 100% I grupe kojima je priznato pravo na dodatak za njegu i pomoć drugog lica danom ostvarivanja prava na mjesečna novčana primanja za personalnu asistenciju (tačka 30.).

Ostvarivanje ovog prava je počelo od aprila 2021.godine donošenjem Zakona o izmjenama i dopunama Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj:10/21).

| PERSONALNA ASISTENCIJA ZA PERIOD 01.01.-30.06.2021. | | | |
|---|-------------------|-----------|--------------------------------|
| PODNESENO ZAHTJEVA | RIJEŠENO ZAHTJEVA | MJESEČNO | ISPLAĆENO U KM (ZA 4.-6./21.) |
| 34 | 34 | 14.912,00 | 42.472,00 |

(Napomena: RVI I grupe I stepena tuđe njege i pomoći 40 % po 472,00 KM 26 korisnika
RVI I grupe II stepen tuđe njege i pomoći 28 % po 330,00 KM 8 korisnika)



Banjsko i klimatsko liječenje (medicinska rehabilitacija) (tačka 2.)

Donošenjem novog Pravilnika za utvrđivanje prava na banjsko i klimatsko liječenje (medicinska rehabilitacija) („Službene novine Kantona Sarajevo“, br:9/21), ostvarivanje prava je i dalje u nadležnosti Kantona Sarajevo, samo je u proceduri određena nadležnost općinskog organa, da ukoliko lice- podnosilac zahtjeva ne ispunjava uslove formalne sadržine, donosi rješenje o odbijanju zahtjeva.

Kompletirane zahtjev općinska služba i dalje prosljeđuje ministarstvu, koje ga dostavlja na odlučivanje Ljekarskoj komisiji.

U posmatranom periodu podneseno je 121 zahtjev i to:

| | |
|--|------------------------|
| Ratni vojni invalidi | 57 |
| Članovi porodica šehida-poginulih boraca | 23 |
| Demobilizirani borci | 57 + 1 odbijen zahtjev |

Svi kompletirani zahtjevi prosljeđeni su Kantonu Sarajevo Ministarstvo za boračka pitanja.



3. ZAVRŠNI DIO I PREPORUKE

Za implementaciju ovog Zakona, Općina Ilidža i njeni organi i Služba ulažu maksimalne napore i poduzimaju niz mjera i aktivnosti kako bi se licima omogućilo korištenje određenih prava uz poštovanje odredaba Zakona i što kraćim rokovima rješavanja zahtjeva.

Služba za boračka pitanja ima korektnu, dobru, stručnu i profesionalnu saradnju sa nadležnim Ministarstvom za boračka pitanja Kantona Sarajevo i drugim organima kao što su Odjel odbrane Općine Ilidža, Ljekarskim komisijama, školama, fakultetima, udruženjima, službama i institucijama.

Usaglašavanjem sistematizacije radnih mjesta sa stvarnim potrebama, jer su u međuvremenu obezbjeđena nova prava u korist lica predmetnog Zakona, upošljavanjem odgovarajućeg visokoškolskog kadra za vođenje ovakvih složenih upravnih postupaka bi se postigao efikasniji i kvalitetniji ishod angažovane radne snage.

Isto tako, upošljavanjem namještenika za obavljanje poslova koja već duže vremena poslije odlaska više uposlenika u penziju obavljaju uposlenici uz svoj posao kao dodatno zaduženje, što dovodi do iscrpljena angažovanih uposlenika, a i do kvaliteta informacija koje se mogu unaprijediti, pa predlažemo u narednom periodu, sistematično analizirati radna mjesta, definisati opise poslova prema trenutno važećim propisima i obezbijediti dovoljno stručnih i kvalifikovanih uposlenika.

Izradio: Ekrem Vražalica, scr
Mirsad Daut, dipl.pravnik
Sanela Pindžo, BA prava
Zineta Lončarić, ekonomski tehničar
Mersiha Helać, BA prava
Kontrolisala: Pomoćnik Općinskog načelnika
Azra Stambolić, dipl.ecc.

PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA

Azra Stambolić, dipl.ecc.

